



PROGRAM POTICAJA AERODROMA SARAJEVO

Strana:
1 od 14

VAŽI OD 14.04.2024.

J.P. MEĐUNARODNI AERODROM "SARAJEVO" D.O.O.

Kurta Schorka 36

71000 Sarajevo

Bosna i Hercegovina

SITA kod: SJJAPXH

www.sia.ba

**PROGRAM POTICAJA AERODROMA SARAJEVO**Strana:
2 od 14**1. NOVA REDOVNA DESTINACIJA**

Nova destinacija podrazumijeva destinaciju prema kojoj sa sarajevskog Aerodroma nije bilo redovnih letova od strane avioprijevoznika na toj destinaciji na redovnoj bazi tokom zadnjih dvanaest (12) mjeseci prije datuma obavljanja prvog leta.

Avioprijevoznik koji se prijavljuje za program poticaja po osnovu nove redovne destinacije, mora osigurati da se predložena ruta odvija najmanje dvaput sedmično i to kroz period od tri (3) mjeseca bez prekida, na redovnoj bazi u ljetnoj sezoni, odnosno najmanje jedan let sedmično u zimskoj sezoni.

Poticaj za uvođenje nove redovne destinacije ne može se kombinovati s poticajem za povećanje broja aviooperacija.

Ukoliko avioprijevoznik u periodu važenja poticaja odustane od planiranih letova na period duži od 6 (šest) mjeseci, isti od momenta ukidanja nove destinacije gubi pravo na niže navedene poticaje, ukoliko nakon prekida letova, a u periodu ne dužem od 6 (šest) mjeseci od momenta prekida, ponovo uspostavi letove, avioprijevoznik ima pravo da nastavi koristiti već odobreni poticaj, uz obavezu da ponovno pošalje zahtjev za nastavak korištenja prethodno odobrenog popusta.

Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja.

Vrsta naknade		Poticaj za novu redovnu destinaciju ¹	
		Kratkolinijski i srednjelinjski saobraćaj	Dugolinijski saobraćaj (letovi u trajanju preko 6 sati)
I godina	Slijetanje i polijetanje	100%	100%
	Putnički servis	20%	25%
II godina	Slijetanje i polijetanje	75%	75%
	Putnički servis	15%	20%
III godina	Slijetanje i polijetanje	50%	50%
	Putnički servis	10%	15%

Napomena: Za dugolinijski saobraćaj će se na mjesečnom nivou odobriti povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

2. NOVA REDOVNA CHARTER DESTINACIJA

Nova redovna charter destinacija podrazumijeva destinaciju prema kojoj sa sarajevskog Aerodroma nije bilo redovnih letova, kao ni charter letova od strane avioprijevoznika tokom zadnjih dvanaest (12) mjeseci prije datuma obavljanja prvog leta.

Avioprijevoznik koji se prijavljuje za program poticaja po osnovu nove redovne charter destinacije, mora osigurati da se predložena ruta odvija najmanje jednom sedmično kroz period od tri (3) mjeseca bez prekida, na charter bazi.

Poticaj za uvođenje nove redovne charter destinacije ne može se kombinovati s poticajem za povećanje broja aviooperacija.

Ukoliko avioprijevoznik u periodu važenja poticaja odustane od planiranih letova isti gubi pravo na niže navedene poticaje, a od momenta ukidanja nove charter destinacije. Ukoliko nakon prekida letova, a u periodu ne dužem od 6

¹ Za zimski red letenja, avioprijevoznici koji se prijavljuju za poticaj po osnovu nove redovne destinacije ostvaruju dodatnih 5% popusta na putnički servis

**PROGRAM POTICAJA AERODROMA SARAJEVO**Strana:
3 od 14

(šest) mjeseci od momenta prekida, ponovo uspostavi redovne charter letove, avioprijevoznik ima pravo da nastavi koristiti već odobreni poticaj, uz obavezu da ponovno pošalje zahtjev za nastavak korištenja prethodno odobrenog popusta.

Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja.

Vrsta naknade		Poticaj za novu redovnu charter destinaciju ²	
		Kratkolinijski i srednjelinjski saobraćaj	Dugolinijski saobraćaj (letovi u trajanju preko 6 sati)
I godina	Slijetanje i polijetanje	50%	75%
	Putnički servis	15%	20%
II godina	Slijetanje i polijetanje	25%	50%
	Putnički servis	10%	15%
III godina	Slijetanje i polijetanje	10%	25%
	Putnički servis	5%	10%

Napomena: Za dugolinijski saobraćaj će se na mjesečnom nivou odobriti povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

3. NOVA KOMPANIJA NA AERODROMU SARAJEVO

Nova kompanija podrazumijeva avioprijevoznika koji po prvi put uspostavlja letove na Aerodromu Sarajevo, na redovnoj osnovi.

3A. NOVA KOMPANIJA I NOVA REDOVNA DESTINACIJA

Nova kompanija podrazumijeva avioprijevoznika koji po prvi put uspostavlja letove na Aerodromu Sarajevo, na redovnoj osnovi, i koji otvara rutu koja trenutno ne egzistira.

Avioprijevoznik koji se prijavljuje za program poticaja po osnovu ovog modela mora osigurati da se predložena ruta/rute odvija najmanje dvaput sedmično, odnosno jednom sedmično za dugolinijski saobraćaj, i to kroz period od tri (3) mjeseca bez prekida, na redovnoj bazi, uz napomenu da se popusti odobravaju i obračunavaju samo na osnovu broja novih ruta, definisano u tabeli u nastavku.

Poticaji definisani ovim modelom ne mogu se kombinovati sa niti jednim drugim modelom. Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja i pismenu informaciju za svaku novu destinaciju koju uvodi, sa tačnim datumima uspostave letova za svaku destinaciju. Popust se počinje obračunavati od trenutka uspostave letova u odnosu na broj uvedenih destinacija, a prema niže navedenoj tabeli. Ukoliko avioprijevoznik u toku korištenja navedenog poticaja (obračunski period 12 mjeseci počev od datuma uspostave prvog leta) dostavi zahtjev za uvođenje nove dodatne destinacije ili odluči obustaviti letove na određenoj destinaciji, odobreni popust će se korigovati na način da će od momenta uvođenja/obustavljanja letova na određenoj destinaciji doći do povećanja/smanjenja odobrenih popusta na usluge slijetanja i polijetanja, prihvata i otpreme i putničkog servisa, dok obračunski period ostaje nepromijenjen (12 mjeseci od datuma uspostave prvog leta).

² Za zimski red letenja, avioprijevoznici koji se prijavljuju za poticaj po osnovu nove redovne charter destinacije ostvaruju dodatnih 5% popusta na putnički servis

**PROGRAM POTICAJA AERODROMA SARAJEVO**Strana:
4 od 14

Ukoliko avioprijevoznik u periodu važenja poticaja odustane od planiranih letova na period duži od 6 (šest) mjeseci, isti gubi pravo na dole navedene poticaje, a od momenta ukidanja nove destinacije. Ukoliko nakon prekida letova, a u periodu ne dužem od 6 (šest) mjeseci od momenta prekida, ponovo uspostavi redovne letove, avioprijevoznik ima pravo da nastavi koristiti već odobreni poticaj, uz obavezu da ponovno pošalje zahtjev za nastavak korištenja prethodno odobrenog popusta.

Vrsta naknade		Poticaj za novu kompaniju i novu redovnu destinaciju/e ³ za prvu godinu	
		Kratkolinijski i srednjelinijski saobraćaj	Dugolinijski saobraćaj (letovi u trajanju preko 6 sati)
I godina jedna nova destinacija	Slijetanje i polijetanje	100%	100%
	Prihvat i otprema	40%	45%
	Putnički servis	30%	35%
I godina 2-3 nove destinacije	Slijetanje i polijetanje	100%	100%
	Prihvat i otprema	45%	50%
	Putnički servis	35%	40%
I godina 4 i više novih destinacija	Slijetanje i polijetanje	100%	100%
	Prihvat i otprema	50%	55%
	Putnički servis	40%	45%

Vrsta naknade		Poticaj za novu kompaniju i novu redovnu destinaciju/e ⁴ za drugu godinu	
		Kratkolinijski i srednjelinijski saobraćaj	Dugolinijski saobraćaj (letovi u trajanju preko 6 sati)
II godina jedna nova destinacija	Slijetanje i polijetanje	75%	75%
	Prihvat i otprema	30%	35%
	Putnički servis	25%	30%
II godina 2-3 nove destinacije	Slijetanje i polijetanje	75%	75%
	Prihvat i otprema	35%	40%
	Putnički servis	30%	35%
II godina i 4 i više novih destinacija	Slijetanje i polijetanje	75%	75%
	Prihvat i otprema	45%	50%
	Putnički servis	35%	40%

Napomena: Za dugolinijski saobraćaj će se na mjesečnom nivou odobriti povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

³ Za zimski red letenja, avioprijevoznici koji se prijavljuju za poticaj po osnovu nove redovne destinacije ostvaruju dodatnih 5% popusta na putnički servis

⁴ Za zimski red letenja, avioprijevoznici koji se prijavljuju za poticaj po osnovu nove redovne destinacije ostvaruju dodatnih 5% popusta na putnički servis

**PROGRAM POTICAJA AERODROMA SARAJEVO**Strana:
5 od 14**3B. NOVA KOMPANIJA I POSTOJEĆA REDOVNA/CHARTER DESTINACIJA(E)**

Nova kompanija podrazumijeva avioprijevoznika koji po prvi put uspostavlja letove na Aerodromu Sarajevo, na redovnoj/charter osnovi, i koji uvodi letove na redovnoj/charter osnovi a na kojima već operira drugi avioprijevoznik.

Avioprijevoznik koji se prijavljuje za program poticaja po osnovu ovog modela, mora osigurati da se predložena ruta/rute odvija najmanje dvaput sedmično na redovnoj, odnosno jednom sedmično na charter osnovi i za dugolinijski saobraćaj i to kroz period od tri (3) mjeseci bez prekida, na redovnoj/charter osnovi, uz napomenu da se popusti odobravaju i obračunavaju samo na osnovu broja ruta, definisano u tabeli u nastavku.

Poticaji definisani ovim modelom ne mogu se kombinovati sa niti jednim drugim modelom.

Ukoliko avioprijevoznik u periodu važenja poticaja odustane od svih planiranih letova na period duži od 6 (šest) mjeseci, isti od momenta ukidanja destinacije/a gubi pravo na dole navedene poticaje. Ukoliko nakon prekida letova, a u periodu ne dužem od 6 (šest) mjeseci od momenta prekida, ponovo uspostavi letove, avioprijevoznik ima pravo da nastavi koristiti već odobreni poticaj, uz obavezu da ponovno pošalje zahtjev za nastavak korištenja prethodno odobrenih popusta.

Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja i pismenu informaciju za svaku destinaciju koju uvodi, sa tačnim datumima uspostave letova za svaku destinaciju. Popust se počinje obračunavati od trenutka uspostave letova u odnosu na broj uvedenih destinacija, a prema niže navedenoj tabeli. Ukoliko avioprijevoznik u toku korištenja navedenog poticaja (obračunski period 12 mjeseci počev od datuma uspostave prvog leta) dostavi zahtjev za uvođenje destinacije ili odluči obustaviti letove na određenoj destinaciji, odobreni popust će se korigovati na način da će od momenta uvođenja/obustavljanja letova na određenoj destinaciji doći do povećanja/smanjenja odobrenih popusta na usluge slijetanja i polijetanja, dok obračunski period ostaje nepromijenjen (12 mjeseci od datuma uspostave prvog leta).

Vrsta naknade		Poticaj za novu kompaniju i postojeću redovnu/charter destinaciju(e) za prvu godinu	
		Kratkolinijski i srednjelinijski saobraćaj	Dugolinijski saobraćaj (letovi u trajanju preko 6 sati)
I godina jedna dodatna postojeća destinacija	Slijetanje i polijetanje	30%	50%
I godina 2-3 dodatne postojeće destinacije	Slijetanje i polijetanje	40%	55%
I godina 4 i više dodatnih postojećih destinacija	Slijetanje i polijetanje	50%	60%



PROGRAM POTICAJA AERODROMA SARAJEVO

Strana:
6 od 14

Vrsta naknade		Poticaj za novu kompaniju i postojeću redovnu/charter destinaciju(e) za drugu godinu	
		Kratkolinijski i srednjelinijiski saobraćaj	Dugolinijski saobraćaj (letovi u trajanju preko 6 sati)
II godina jedna dodatna postojeća destinacija	Slijetanje i polijetanje	20%	40%
II godina 2-3 dodatne postojeće destinacije	Slijetanje i polijetanje	30%	45%
II godina i 4 i više dodatnih postojećih destinacija	Slijetanje i polijetanje	40%	50%

Napomena: Za dugolinijski saobraćaj će se na mjesečnom nivou odobriti povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

4. POVEĆANJE BROJA AVIOOPERACIJA

Poseban poticaj će se primjenjivati za dodatne redovne letove koje uvodi avioprijevoznik u saobraćaj, na destinaciji koja već egzistira. Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja. U slučaju da redovni avioprijevoznik u prvoj godini ne realizira planirani broj aviooperacija isti gubi pravo na poticaje za drugu godinu.

Poticaj za povećanje broja aviooperacija ne može se kombinovati s poticajima iz tačaka 1, 2. i 3.

Pravo na poticaj za povećanje broja aviooperacija može se ostvariti samo ukoliko je broj ostvarenih dodatnih letova jednak ili veći od 40 letova u periodu od dvanaest (12) mjeseci (računaju se samo odlasci), a u odnosu na uporedni dvanaestomjesečni obračunski period, koji prethodi datumu početka primjene poticaja definisanog u zahtjevu za odobrenje poticaja dostavljenom od strane avioprijevoznika. Navedeni popusti se obračunavaju na sve dodatne letove i odobravaju na kraju obračunskog perioda, izdavanjem credit note, a nakon utvrđivanja da je avioprijevoznik koji se prijavio za poticaje po osnovu povećanja broja aviooperacija i ispunio potreban uslov (minimalno 40 dodatnih letova u odnosu na prethodni dvanaestomjesečni period). Ukoliko kompanija operira na više destinacija navedeni poticaj se obračunava na svaku destinaciju pojedinačno.

Vrsta naknade		Poticaj za povećanje broja aviooperacija ⁵
I godina	Slijetanje i polijetanje	50%
	Putnički servis	10%
II godina	Slijetanje i polijetanje	25%
	Putnički servis	5%

⁵ Za zimski red letenja, avioprijevoznici koji se prijavljuju za poticaj po osnovu povećanja broja aviooperacija ostvaruju dodatnih 5% popusta na putnički servis



PROGRAM POTICAJA AERODROMA SARAJEVO

Strana:
7 od 14

5. BROJ PREVEZENIH PUTNIKA NA GODIŠNJEM NIVOU

Poticaј na bazi broja prevezenih putnika⁶ će se odobravati avioprijevoznicima na bazi statističkih podataka za prethodnu godinu, uz mogućnost zbrajanja putnika⁷ ⁸ za grupacije/povezana društva, pod uslovom da avioprijevoznik koji je dio grupacije/povezanog društva već ne koristi popuste po osnovu Modela 1⁹ ¹⁰. Avioprijevoznik koji prvi put uspostavlja letove na sarajevskom Aerodromu ostvaruje pravo na navedeni poticaj nakon što se završi kalendarska godina. Poticaј važi od 01.01. do 31.12. s tim da su kompanije dužne da u decembru mjesecu podnesu zahtjev za navedeni poticaj kako bi ostvarile pravo na isti za iduću godinu.

Kako bi ostvarili pravo na navedeni poticaj, avioprijevoznici su dužni uputiti pismeni zahtjev u decembru mjesecu tekuće godine, a najkasnije do 29.12., za odobrenje poticaja, a shodno niže navedenoj tabeli.

Broj putnika (odlazeći i dolazeći)	Poticaj za broj prevezenih putnika							
	≤ 10.000	10.001-25.000	25.001-50.000	50.001-65.000	65.001-80.000	80.001-100.000	100.001-150.000	> 150.001
Slijetanje i polijetanje	0	15%	20%	20%	25%	30%	30%	35%
Prihvat i otprema putnika	0	5%	5%	10%	10%	20%	20%	25%
Putnički servis	0	0	0	0	0	1,0 EUR	1,5 EUR	1,5 EUR

⁶ Model 5 se ne odobrava za aviooperacije na strateškim rutama.

⁷ Zbrajaju se putnici kompanija koje su u grupaciji, a u odnosu na putnički promet ostvaren u prethodnoj godini. Pod grupacijom se podrazumijevaju složena društva koja se sastoje od majke kompanije koja direktno/indirektno ima vlasnički udio u povezanom društvu/društvima – kćerki/kćerkama aviokompanijama, odnosno koja se sastoje od zavisnih društava – aviokompanija unutar istog holdinga.

⁸ Broj prevezenih putnika avioprijevoznika na strateškim rutama, koji koriste popuste po osnovu Modela 9 se ne zbraja sa prevezenim putnicima na destinacijama koje nisu strateške.

⁹ Putnici avioprijevoznika koji koristi popuste po osnovu Modela 1, se ne zbrajaju unutar grupacije koja se prijavila za Model 5.

¹⁰ Poticaј na bazi broja prevezenih putnika za tekuću godinu će se odobravati avioprijevoznicima na bazi statističkih podataka, ostvarenih u prethodnoj godini.



PROGRAM POTICAJA AERODROMA SARAJEVO

Strana:
8 od 14

6. POTICAJ ZA PONOVO USPOSTAVLJANJE AVIOOPERACIJA

Avioprijevoznik koji se prijavljuje za poticaje po osnovu ponovnog uspostavljanja aviooperacija na aerodromu Sarajevo, može ostvariti pravo po ovom osnovu samo jedanput, uz uslov da u godini u kojoj mu se odobrava popust po ovom osnovu nije imao letove u/iz Sarajeva.

Također, avioprijevoznik koji se prijavljuje na poticaje po osnovu ponovnog uspostavljanja aviooperacija ne može biti avioprijevoznik koji je u momentu objavljivanja ovog dokumenta imao redovne ili redovne charter letove u/iz Sarajeva.

Ukoliko avioprijevoznik u periodu važenja poticaja odustane od planiranih letova isti gubi pravo na niže navedene poticaje, a od momenta obustavljanja aviooperacija.

Kako bi ostvario pravo na navedeni poticaj, avioprijevoznik treba uputiti pismenu informaciju o ponovnom uspostavljanju letova, kao i pismeni zahtjev za odobrenje poticaja.

Vrsta naknade	Poticaj za ponovno uspostavljanje aviooperacija
Slijetanje i polijetanje	20%
Prihvat i otprema putnika	10%

Period važenja poticaja za ponovno uspostavljanje aviooperacija trajat će najviše dvanaest mjeseci, uz uslov da se letovi moraju odvijati najmanje dva puta sedmično na redovnoj osnovi, u periodu od tri (3) mjeseca od datuma obavljanja prvog leta.

7. POTICAJ ZA AVIOPRIJEVOZNIKE KOJI IMAJU BAZU NA AERODROMU SARAJEVO

A.) POTICAJ NA USLUGE SLIJETANJA I POLIJETANJA, PRIHVATA I OTPREME PUTNIKA

Vrsta naknade	Poticaj za bazirane zrakoplove
Slijetanje i polijetanje	70%
Osvjetljenje	50%
Prihvat i otprema putnika	55%

B.) POPUST NA USLUGU PUTNIČKOG SERVISA

Broj prevezenih odlazećih putnika na godišnjem nivou	Poticaj za broj prevezenih odlazećih putnika									
	≤49.999	50.000 - 99.999	100.000-149.999	150.000-199.999	200.000-249.999	250.000-299.999	300.000-349.999	350.000-399.999	400.000-449.999	>450.000
Putnički servis	0,00 EUR	2,00 EUR	4,00 EUR	6,00 EUR	6,50 EUR	7,00 EUR	7,50 EUR	8,00 EUR	8,50 EUR	9,00 EUR



PROGRAM POTICAJA AERODROMA SARAJEVO

Strana:
9 od 14

C.) POTICAJ NA NOVU DESTINACIJU

Vrsta naknade		Poticaaj za novu destinaciju	Dodatni poticaaj za novu/stratešku destinaciju ¹¹
I godina	Slijetanje i polijetanje	30%	
	Prihvat i otprema putnika	15%	
	Putnički servis	1,5 EUR	3,5 EUR
II godina	Slijetanje i polijetanje	20%	
	Prihvat i otprema putnika	10%	
	Putnički servis	1,00 EUR	3,0 EUR
III godina	Slijetanje i polijetanje	10%	
	Prihvat i otprema putnika	10%	
	Putnički servis	0,5 EUR	2,5 EUR

D.) POTICAJ ZA DODATNU POSTOJEĆU DESTINACIJU

Vrsta naknade		Poticaaj za dodatnu postojeću destinaciju
I godina	Slijetanje i polijetanje	20%
II godina	Slijetanje i polijetanje	15%
III godina	Slijetanje i polijetanje	10%

Pod dodatnom postojećom destinacijom se smatra destinacija za/ka kojoj sa Aerodroma Sarajevo već postoje letovi od strane određenih avioprijevoznika na redovnoj/charter osnovi, ali koju bazni prijevoznik nije imao u svojoj mreži destinacija u prethodnih dvanaest (12) mjeseci od datuma obavljanja prvog leta. Datum primjene ovog poticaja će se smatrati datum kada je avioprijevoznik uspostavio letove na navedenoj destinaciji a tačan datum treba biti naveden na zvaničnom zahtjevu za korištenje poticaja po osnovu tačke D).

Ako prijevoznik ukine novu destinaciju ili dodatnu postojeću destinaciju isti gubi pravo na popuste ako je ponovo ne uspostavi u periodu do 6 (šest) mjeseci. Ukoliko nakon prekida letova, a u periodu ne dužem od 6 (šest) mjeseci od momenta prekida, ponovo uspostavi letove, avioprijevoznik ima pravo da nastavi koristiti već odobreni poticaaj, uz obavezu da ponovno pošalje zahtjev za nastavak korištenja prethodno odobrenih popusta.

Avioprijevoznik koji ima bazu na Aerodromu Sarajevo nema pravo na korištenje poticaja pod tačkama 1, 2, 3, 4, 5 i 6.

Za avioprijevoznike koji imaju uspostavljenu bazu na Aerodromu Sarajevo, korištenje GPU-a u trajanju od 45 minuta, za standardni proces prijehata i otpreme i 90 minuta za vrijeme noćenja, po danu po jednom avionu, je uključeno u cijenu handlinga. Nakon isteka ovog vremenskog intervala GPU se obračunava u skladu sa tačkom 10.1. Cjenovnika.

U cilju obezbjeđenja dodatnih stimulativnih mjera u zimskoj sezoni, za aviokompanije koje otvore bazu na Aerodromu Sarajevo, obračunavat će se popust na cijenu fluida (tip I i tip IV) od 35%, te će se usluga izlaska kamiona, u sklopu ovog modela, pružati kao dio usluge prijehata i otpreme i to na određen period u trajanju do tri godine.

¹¹ Ukoliko bazni avioprijevoznik uspostavlja letove na novim destinacijama koje su ujedno i strateške destinacije utvrđene Odlukom Uprave Društva odobravaju mu se dodatni popusti na putnički servis u skladu sa gore navedenom tabelom.

**PROGRAM POTICAJA AERODROMA SARAJEVO**Strana:
10 od 14

Poticaji na uslugu putničkog servisa za avioprijevoznike koje imaju bazu na Aerodromu Sarajevo odobravaju se uz prethodnu pismenu informaciju od strane avioprijevoznika o planiranom broju odlazećih putnika. Također, s obzirom da se radi o akontativnom popustu, nakon završetka perioda od godinu dana od momenta zaključenja ugovora, Društvo će izvršiti kontrolu ostvarenih kvantitativnih pokazatelja (ukupan broj odlazećih putnika) za avioprijevoznike kojima je obračunat popust po osnovu tačke B), te će se ukoliko bude potrebno odmah uraditi korekcije (fakturisanje razlike u cijeni ukoliko avioprijevoznik ne ostvari planirani volumen prometa).

Avioprijevoznicima koji imaju bazu na Aerodromu Sarajevo neće se obračunavati usluga parkinga zrakoplova.

Napomena: Za baznog avioprijevoznika će se na mjesečnom nivou odobriti povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

8. MARKETINŠKE AKTIVNOSTI

Avioprijevoznicima koji po prvi put uspostavljaju letove za Sarajevo, avioprijevoznicima koji uvode nove rute, avioprijevoznicima koji uvode strateške rute, avioprijevoznicima koji imaju bazu na Aerodromu Sarajevo, kao i avioprijevoznicima koji vrše promotivne aktivnosti u svrhu promocije letova u/iz Sarajeva, sa promotivnim cijenama aviokarata, Aerodrom Sarajevo omogućava korištenje poticaja u vidu novčanog transfera prema kriterijima definisanim u tabeli ispod:

Opis	Maksimalni iznos poticaja na godišnjem nivou (EUR)
Marketinška podrška za avioprijevoznike koji vrše promotivne aktivnosti u svrhu promocije letova u/iz Sarajeva, sa promotivnim cijenama aviokarata za vrijeme trajanja marketinške kampanje (promotivna kampanja u trajanju od minimalno mjesec dana)	10.000,00
Marketinška podrška za redovne avioprijevoznike koji uvode nove rute	20.000,00
Marketinška podrška za redovne avioprijevoznike koji uvode strateške rute	25.000,00
Marketinška podrška za avioprijevoznike koji imaju bazu i uvode nove rute	30.000,00

Sredstva po osnovu marketinške kampanje se odobravaju u skladu sa planiranim budžetom u Planu poslovanja.

Aerodrom Sarajevo će pristigle zahtjeve razmotriti te zadržava pravo da iste odobri/odbije, a u skladu sa odobrenim budžetom i strateškim ciljevima.

Aerodrom Sarajevo će dodatno putem vlastitih kanala komunikacije omogućiti novim avioprijevoznicima, avioprijevoznicima koji uvode nove rute sa Aerodroma Sarajevo, avioprijevoznicima koji uvode strateške rute sa Aerodroma Sarajevo, kompanijama koje imaju bazu na Aerodromu Sarajevo, kao i avioprijevoznicima koji vrše promotivne aktivnosti u svrhu promocije letova u/iz Sarajeva sa promotivnim cijenama aviokarata, reklamiranje na zvaničnoj web stranici postavljanjem dostupnih banera, s ciljem promocije novih ruta, bez naknade.

Također, u svrhu promocije ruta i aviooperacija navedenim kategorijama avioprijevoznika će se omogućiti postavljanje marketinškog sadržaja na reklamnim pozicijama unutar/izvan terminalne zgrade (u skladu sa dostupnim kapacitetima) u trajanju do maksimalno 15 dana, bez naknade.

9. POTICAJ ZA STRATEŠKE DESTINACIJE

U odnosu na strateške ciljeve Društva vezane za značajnije širenje mreže destinacija iz/za Sarajevo, Aerodrom Sarajevo je definisao strateške rute za 2023. godinu, koje su utvrđene odlukom Uprave Društva i to na bazi sljedećih kriterija:

- evropske i svjetske metropole na čijim aerodromima su bazirani avioni vodećih tradicionalnih i niskobudžetnih aviokompanija;
- destinacije/tržišta koja nisu dovoljno pokrivena (prema kojima sa Aerodroma Sarajevo, u trenutku odobravanja poticaja nije uspostavljeno 5 ili manje letova sedmično) od strane avioprijevoznika koji već operiraju na

**PROGRAM POTICAJA AERODROMA SARAJEVO**Strana:
11 od 14

Aerodromu Sarajevo, ili prema kojima u trenutku objave Programa poticaja nisu uspostavljeni letovi sa Aerodroma Sarajevo;

- destinacije koje su od prioritetnog značaja za daljnji značajniji rast turizma u našoj zemlji;
- gradovi/regije u kojima je nastanjen značajan broj bosanskohercegovačke dijaspore.

Uprava Društva zadržava pravo da preispituje strateške rute, te donosi odluku o eventualnim izmjenama i dopunama istih.

Poticaji definisani ovim modelom mogu se kombinovati samo sa Modelom Marketinške aktivnosti.

Ukoliko avioprijevoznik u periodu korištenja poticaja po osnovu Modela 9 prekine operiranje na strateškoj destinaciji isti gubi pravo na popuste i mogućnost ponovnog apliciranja za istu stratešku rutu definisanu ovim modelom.

Avioprijevoznici koji operiraju na charter osnovi neće biti odobreni popusti ukoliko na istoj strateškoj destinaciji je već odobren poticaj avioprijevozniku koji operira na redovnoj osnovi.

A.) POTICAJ ZA AVIOKOMPANIJE KOJE OBAVLJAJU SAOBRAĆAJ NA STRATEŠKOJ DESTINACIJI/DESTINACIJAMA NA REDOVNOJ OSNOVI U PERIODU NE KRAĆEM OD TRI MJESECA, MINIMUM 2 X SEDMIČNO

Avioprijevoznici koji uspostavljaju letove na strateškoj destinaciji/destinacijama na redovnoj osnovi u periodu ne kraćem od tri mjeseca, uz minimalno dva leta sedmično, se odobravaju popusti u skladu sa niže navedenom tabelom, pod uslovom da na istoj ruti nema više od pet redovnih letova uspostavljenih od strane avioprijevoznika koji operiraju na aerodromu Sarajevo.

Avioprijevoznik se može prijaviti za poticaj samo jednom za istu stratešku rutu, te ako isti ne ispuni minimalne uslove operiranja gubi pravo na već odobrene popuste, te je u obavezi izvršiti povrat odobrenih sredstava za operirajući period putem debit note izdate od strane Aerodroma Sarajevo. Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja po osnovu ovog modela sa informacijom vezano za otvaranje strateške rute, datumom uspostave letova i perioda na koji se isti uspostavljaju. Popusti se počinje obračunavati od trenutka uspostave letova na strateškoj destinaciji, a prema niže navedenoj tabeli.

Vrsta naknade		Poticaj za aviokompanije koje obavljaju saobraćaj na strateškim rutama na redovnoj osnovi u periodu ne kraćem od tri mjeseca		
		Kratkolinijski i srednjelinjski saobraćaj – jedna strateška ruta	Kratkolinijski i srednjelinjski saobraćaj – dvije ili više strateških ruta	Dugolinijski saobraćaj (letovi u trajanju preko 6 sati)
I godina ¹²	Slijetanje i polijetanje	100%	100%	100%
	Prihvat i otprema	50%	50%	60%
	Putnički servis	70%	75%	80%
II godina ¹³	Slijetanje i polijetanje	90%	90%	95%
	Prihvat i otprema	45%	45%	55%

¹² Kako bi ostvario pravo na popuste za prvu godinu avioprijevoznik je u obavezi da operira minimalno 3 mjeseca u prvoj godini.

¹³ Kako bi ostvario pravo na popuste za drugu godinu avioprijevoznik je u obavezi da operira u kontinuitetu u prvoj godini, a za drugu godinu će mu biti odobreni popusti za sve mjesece u kojima bude operirao.



PROGRAM POTICAJA AERODROMA SARAJEVO

Strana:
12 od 14

	Putnički servis	65%	70%	75%
	Slijetanje i polijetanje	80%	80%	90%
	Prihvat i otprema	40%	40%	50%
III godina ¹⁴	Putnički servis	60%	65%	70%

Napomena: Za dugolinijski saobraćaj se na mjesečnom nivou odobrava povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

Ukoliko avioprijevoznik u periodu važenja poticaja odustane od svih planiranih letova na period duži od 6 (šest) mjeseci, isti od momenta ukidanja destinacije/a gubi pravo na navedene poticaje, a ukoliko bude operirao kraće od definisanog minimalnog perioda (tri mjeseca u kontinuitetu) Društvo će uraditi korekcije (fakturisanje razlike u cijeni ukoliko avioprijevoznik ne ispuni kriterije iz ovog modela vezano za minimalni period operiranja na strateškoj ruti). Ukoliko nakon prekida letova, a u periodu ne dužem od 6 (šest) mjeseci od momenta prekida, ponovo uspostavi letove, avioprijevoznik ima pravo da nastavi koristiti već odobreni poticaj, uz obavezu da ponovno pošalje zahtjev za nastavak korištenja prethodno odobrenih popusta.

B.) POTICAJ ZA AVIOKOMPANIJE KOJE OBAVLJAJU SAOBRAĆAJ NA STRATEŠKIM RUTAMA NA REDOVNOJ I CHARTER OSNOVI ZA PERIOD NE KRAĆI OD DVA MJESECA BEZ PREKIDA, MINIMUM 1 X SEDMIČNO

Avioprijevoznicima koji uspostavljaju letove na strateškim destinacijama na redovnoj i charter osnovi, uz minimalno jedan let sedmično, se odobravaju popusti u skladu sa niže navedenom tabelom.

Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja po osnovu ovog modela sa informacijom vezano za otvaranje strateške rute, datumom uspostave letova i periodom na koji se isti uspostavljaju. Popusti se počinje obračunavati od trenutka uspostave letova na strateškoj destinaciji, a prema niže navedenoj tabeli.

Vrsta naknade		Poticaj za aviokompanije koje obavljaju saobraćaj na strateškim rutama na redovnoj i charter osnovi, za period ne kraći od dva mjeseca bez prekida, minimum 1 x sedmično	
		Kratkolinijski i srednjelinjski saobraćaj	Dugolinijski saobraćaj (letovi u trajanju preko 6 sati)
I godina ¹⁵	Slijetanje i polijetanje	70%	80%
	Prihvat i otprema	40%	50%
	Putnički servis	45%	50%
II godina ¹⁶	Slijetanje i polijetanje	50%	60%

¹⁴ Kako bi ostvario pravo na popuste za treću godinu avioprijevoznik je u obavezi da operira u kontinuitetu u drugoj godini, a za treću godinu će mu biti odobreni popusti za sve mjesece u kojima bude operirao.

¹⁵ Kako bi ostvario pravo na popuste za prvu godinu avioprijevoznik je u obavezi da operira minimalno 2 mjeseca u prvoj godini.

¹⁶ Kako bi ostvario pravo na popuste za drugu godinu avioprijevoznik je u obavezi da operira u kontinuitetu u prvoj godini, a za drugu godinu će mu biti odobreni popusti za sve mjesece u kojima bude operirao.



PROGRAM POTICAJA AERODROMA SARAJEVO

Strana:
13 od 14

	Prihvat i otprema	30%	40%
	Putnički servis	20%	25%
	Slijetanje i polijetanje	40%	50%
	Prihvat i otprema	20%	30%
III godina ¹⁷	Putnički servis	10%	20%

Napomena: Za dugolinijski saobraćaj se na mjesečnom nivou odobrava povrat sredstava u iznosu od 2% po osnovu plaćenog iznosa avio goriva natočenog na Aerodromu Sarajevo, a prema zvaničnoj evidenciji kompanije koja vrši snabdijevanje zrakoplova gorivom.

C.) POTICAJ ZA AVIOKOMPANIJE KOJE OBAVLJAJU SAOBRAĆAJ NA MINIMALNO PET DESTINACIJA OD KOJIH SU MINIMALNO TRI STRATEŠKE NA REDOVNOJ OSNOVI U PERIODU NE KRAĆEM OD TRI GODINE, MINIMUM 2 X SEDMIČNO NA SVAKOJ STRATEŠKOJ DESTINACIJI

Avioprijevoznici koji istovremeno uspostavljaju letove na minimalno pet destinacija, od kojih su minimalno tri strateške destinacije na redovnoj osnovi kontinuirano u periodu od minimalno tri godine, uz minimalno dva leta sedmično na svakoj od strateških destinacija, se odobravaju popusti u skladu sa niže navedenom tabelom.

Avioprijevoznik koji koristi poticaje po ovom Modelu, dužan je osigurati stalni rast aviooperacija i putnika, koji će iznositi minimalno 30% u drugoj godini u odnosu na prvu godinu od uspostave aviooperacija na strateškim destinacijama, odnosno minimalno 40% rasta u trećoj godini u odnosu na drugu godinu operiranja na strateškim destinacijama.

Kako bi ostvario pravo na navedeni poticaj, avioprijevoznik treba uputiti pismeni zahtjev za odobrenje poticaja po osnovu ovog modela sa informacijom vezano za otvaranje strateških ruta, datumom uspostave letova i periodom na koji se isti uspostavljaju. Popusti se počinju obračunavati od trenutka uspostave letova na minimalno pet destinacija od kojih su tri strateške destinacije, a prema niže navedenoj tabeli.

Avioprijevoznik je dužan realizirati minimalno 90% planiranih i najavljenih aviooperacija. Također, s obzirom da se radi o akontativnim popustima, Društvo će na godišnjem nivou, a počev od momenta uvođenja letova, vršiti kontrolu u smislu ispunjavanja kriterija definisanim ovim modelom, te će se u slučaju neispunjavanja kriterija uraditi korekcije faktura (fakturisanje razlike u cijeni u odnosu na pune cijene).

Vrsta naknade		Poticaj za aviokompanije koje obavljaju saobraćaj na strateškim rutama na redovnoj osnovi u periodu od minimalno tri godine
I-III godine	Slijetanje i polijetanje	100%
	Prihvat i otprema	50%
	Putnički servis	80%

¹⁷ Kako bi ostvario pravo na popuste za treću godinu avioprijevoznik je u obavezi da operira u kontinuitetu u drugoj godini, a za treću godinu će mu biti odobreni popusti za sve mjesece u kojima bude operirao.

**PROGRAM POTICAJA AERODROMA SARAJEVO**Strana:
14 od 14

Za avioprijevoznike koji imaju odobren poticaj po osnovu Modela 9C, korištenje GPU-a u trajanju od 45 minuta, za standardni proces prihvata i otpreme, po letu, je uključeno u cijenu usluge prihvata i otpreme. Nakon isteka ovog vremenskog intervala GPU se obračunava u skladu sa tačkom 10.1. Cjenovnika.

Usluga izdavanja avio karata (TSC), za aviokompanije kojima je odobren poticaj po osnovu Modela 9C, će se pružati u sklopu usluge prihvata i otpreme i to određen period u trajanju do tri godine.

U cilju obezbjeđenja dodatnih stimulativnih mjera u zimskoj sezoni, za aviokompanije koje otvore minimalno 5 destinacija od kojih su tri strateške, obračunavat će se popust na cijenu fluida (tip I i tip IV) od 35%, te će se usluga izlaska kamiona, u sklopu ovog modela, pružati kao dio usluge prihvata i otpreme i to na određen period u trajanju do tri godine.

OPŠTI USLOVI

Aerodrom Sarajevo zadržava pravo da promijeni i dopuni objavljeni Program poticaja ili donese novi Program, u bilo kojem trenutku u toku važenja objavljenog Programa poticaja, u skladu s promjenom poslovne politike aerodroma Sarajevo i prilika na tržištu.

U slučaju kada aerodrom Sarajevo vrši izmjene i donese novi Program poticaja, o tome će blagovremeno obavijestiti avioprijevoznike putem slanja pisane obavijesti. Po usvajanju izmijenjenog Programa poticaja, na sve već podnijete zahtjeve i korisnike poticaja, primjenjivat će se uslovi iz izmijenjenog Programa poticaja i to od datuma početka primjene izmijenjenog Programa poticaja do isteka perioda važenja istog.

Obračun popusta u skladu s ovim Programom poticaja vršit će se pojedinačno za svakog avioprijevoznika.

J.P. Međunarodni aerodrom „SARAJEVO“ d.o.o. Sarajevo, zadržava pravo da avioprijevoznika koji podnese zahtjev za ostvarivanje prava na poticaje odbije ili suspenduje iz Programa poticaja, ako se dogode sljedeće okolnosti:

- kada se avioprijevoznik nađe u poziciji da bude preuzet, spojen ili prodan (nakon preispitivanja novonastalih formalno-pravnih uslova, zadržava se pravo produženja prava korištenja poticaja avioprijevozniku koji je preuzet, spojen ili prodan);
- ukoliko avioprijevoznik blagovremeno ne izmiruje sve dospjele obaveze prema Međunarodnom aerodromu Sarajevo.

Jedan avioprijevoznik može se odjednom kvalificirati samo za jedan model poticaja. Izuzetak od naprijed navedenog je mogućnost kombiniranja poticaja definisanih modelom 5 s poticajima 1 ili 2 ili 4, gdje avioprijevoznik koji koristi poticaje definisane modelom 5 može isti kombinirati s jednim od gore navedenih poticaja i to pod uslovom da isti ne ostvaruje pravo na poticaje po osnovu putničkog servisa, a koji je definisan modelom 5 i da ne koristi poticaje po osnovu modela 1 za prvu godinu. Dakle, ukoliko prijevoznik koristi poticaj po osnovu putničkog servisa definiran modelom 5, isti ne može istovremeno koristiti i poticaje definisane u modelu 1 ili 2 ili 4. Također, nije moguće da avioprijevoznik istovremeno koristi poticaje definisane tačkama 1 i 2 i 4.

Zbrajanje strateških destinacija unutar grupacije/povezana društva je moguće u Modelu 9.

Kompanije unutar grupacija/povezanih društava mogu se prijaviti na različite modele Programa poticaja, ali zbrajanje popusta po osnovu istih nije moguće.

Kompanija je dužna elektronskim putem, slanjem email-a, dostaviti informaciju o izmjeni datuma operiranja ukoliko je ista drugačija od one na zvaničnom zahtjevu za poticaj.

J.P. Međunarodni aerodrom „SARAJEVO“ d.o.o., zadržava pravo da avioprijevoznicima koji se prijave istovremeno za dva modela poticaja u skladu s propisanim uslovima, odobri samo poticaje po jednom modelu, a na osnovu propisanih kriterija i mišljenja stručne službe.

Program poticaja J.P. Međunarodni aerodrom „SARAJEVO“ d.o.o. stupa na snagu i primjenjivat će se od 14.04.2024. godine.

J.P. Međunarodni aerodrom "Sarajevo" d.o.o. Sarajevo

Br: 03-3-23-1-945-161/23


Direktor
Alan Bajić